

UGOVOR O PRUŽANJU PRAVNIH USLUGA

Ugovorne strane :

1. Fond Kantona Sarajevo za izgradnju stanova za članove porodica šehida i poginulih boraca, ratne vojne invalide, demobilisane borce i prognane osobe , ul. Hifzi Bjelevca br.54, 71000 Sarajevo , kojeg zastupa i predstavlja dipl.ing.geod. Mirza Emirhafizović (u daljem tekstu : Naručilac usluga)

i

2. Advokat Galiba Hrvačić - Karčić, ul. Maršala Tita br.12, 71000 Sarajevo (u daljem tekstu: Davalac usluga)

Član 1.

Predmet ovog ugovora je " **Pružanje pravnih usluga- Usluge pravnog savjetovanja i zastupanja (Advokat)** ", a koji se sastoji od slijedećih usluga:

-Davanje usmenih i pismenih savjeta i mišljenja, posebno iz oblasti obligacionih odnosa, a naročito ugovora o građenju, prostornog uređenja, naplata dugovanja, smetanje posjeda, naknade šteta, radnih odnosa, prekršajnog postupka i provođenje postupka javnih nabavki ;
-Slanje opomena, podnošenje tužbi, priprema odgovora na tužbu, prijedloga za izvršenje , prigovora i ostalih podnesaka kao i ulaganje redovnih i vandrednih pravnih lijekova, uključujući podnošenje revizije presude Vrhovnog suda FBiH, odnosno podnošenje apelacija Ustavnom sudu FBiH u sudskim i upravnim postupcima prema potrebama Fonda za izgradnju stanova :
-Zastupanje Naručioca pred sudovima i drugim državnim organima u skladu sa dobijenom punomoći :
Trenutni broj predmeta koje će odabrati ponuđač zastupati :

- 42 parnična postupka
- 10 izvršnih postupaka
- 1 upravni spor

Pored postojećih predmeta izabrani ponuđač će u okviru ponuđene cijene zastupati naručioca i u svim sudskim i drugim postupcima koji budu pokrenuti protiv naručioca, u eventualnim postupcima u kojima je tužena strana u obligacionom odnosu sa Fondom Kantona Sarajevo za izgradnju stanova, a Fond ima zakonsku obavezu pružiti pravnu zaštitu tuženom, kao pravni prethodnik, kao i u svim pravnim postupcima za čijim pokretanjem se ukaže potreba od strane naručioca ;

-Priprema teksta ugovora, predmeta vansudskih i sudskih poravnjanja, izjava, opštih i pojedinačnih akata i drugih isprava vezanih za Fond Kantona Sarajevo za izgradnju stanova ;

-Posredovanje u cilju zaključenja pravnog posla ili mirnog rješavanja sporova i spornih pravnih odnosa ;

-Po potrebi prisustvovanje u radu organa Naručioca, po pozivu Naručioca i davanja mišljenja u vezi primjene propisa koji se odnose na rad i poslovanje Naručioca , po zahtjevu Naručioca;

-Daje preporuke Naručiocu u vezi primjene propisa ;

-Kao i obavljanje drugih pravnih poslova koji su vezani za rad naručioca, a odnose se na primjenu pravnih propisa ,

a sve prema Odluci o izboru najpovoljnijeg ponuđača , broj Odluke : 01-02-14-266/18 od dana 24.01.2018 g.

Član 2.

Ukupna vrijednost usluga iz člana 1. ovog ugovora , bez poreza na dodanu vrijednost, iznosi : 29.500,00 KM (slovima: dvadesetdevethiljadapetstotina KM i 00/100).

Ukupna vrijednost usluga iz člana 1. ovog ugovora , sa Porezom na dodanu vrijednost iznosi : 34.515,00 KM (slovima: tridesetčetirihiljadepetstotina petnaest KM i 00/100).

Ugovorene strane se obavezuju da za svaku budžetsku godinu u sklopu ugovorenog roka ovog ugovora i usvojenog Finansijskog plana Fonda Kantona Sarajevo za izgradnju stanova, potpišu pojedinačne ugovore.

Član 3.

Naručilac usluga se obavezuje plaćati mjesečne usluge po ispostavljenj fakturi Davaocu usluga u roku 30 dana.

Vrijednost usluga na mjesečnom nivou iznosi, bez PDV-a 819,44 KM (slovima: osamstotinadevetnaest KM i 44/100), sa PDV-om 958,75 KM (slovima : devetstotinapedesetosam KM i 75/100)

Član 4.

Davalac usluga se obavezuje da usluge koje su predmet ovog ugovora izvršava prema uvjetima iz tenderske dokumentacije i prihvaćene korigirane ponude.

Član 5.

Davalac usluge se obavezuje da predmetne usluge Naručiocu usluga izvrši kontinuirano u toku 36 mjeseci , počevši od 15.02.2018 godine

Član 6.

Naručilac usluga će mjesečne iznose iz člana 2. Ovog Ugovora plaćati na transakcijski račun Davaoca usluga na : broj računa : 141-306-53201235-59 , otvoren kod BBI banke .
/ ID broj : 4302882380000 /

Član 7.

Osnov za plaćanje usluge je račun koji će davalac usluge dostaviti naručiocu, a nakon što je isti ovjeren od strane ovlaštenih lica Naručioca usluga.

Član 8.

Davaoc usluge ima pravo na produženje ugovorenog roka u slučaju više sile.

Rok za izvršenje usluge produžit će se za onoliko dana koliko je trajala smetnja.

Davaoc usluge je dužan podnijeti zahtjev za produženje roka Naručiocu usluge u roku od 3 (tri) dana od dana nastanka razloga za produženje roka.

Produženje roka utvrđuje Naručilac usluga u pisanoj formi i to u roku od 5 (pet) dana po pisanom zahtjevu Davaoca usluge.

Član 9.

Davalac usluga se obavezuje da neće sklapati predugovor ni o jednom bitnom dijelu ugovora bez prethodnog pismenog odobrenja Naručioca usluga.

Član 10.

Za sve što nije regulirano ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno.

Ukoliko sporazumno rješenje nije moguće , nadležan je sud u Sarajevu.

Član 11.

Sve eventualne izmjene i dopune ovog ugovora, ugovorene strane će dogovarati međusobno uz obaveznu pismenu saglasnost ugovorenih strana.

Član 12.

Naručilac usluga može pisanim obavještenjem poslatom Davaocu usluga, navodeći pri tom dan stupanja na snagu raskida ugovora, raskinuti ovaj ugovor u sljedećim slučajevima ;
-ukoliko Davalac usluga propusti da pravovremeno izvrši predmetnu uslugu u vremenskom periodu određenom ovim Ugovorom, odnosno drugim zakonskim, podzakonskim, sudskim, upravnim ili aktom Naručioaca usluga ;
-ukoliko Davalac usluga propusti da izvrši sve druge obaveze prema ugovoru koje bitno mogu djelovati na rad Naručioaca usluga ;
-bude likvidiran iz bilo kojeg razloga od strane Advokatske komore ,
-ili sporazumnim raskidom Ugovora na koji su pristale obje ugovorne strane
Davalac usluga, može takođe pismenim putem raskinuti ovaj ugovor, u slučaju da Naručilac usluga ne ispuni obavezu plaćanja, na način definiran članom 2. , ovoga Ugovora, a na račun Davaoca usluga naveden u članu 6. Ovog Ugovora ili drugi od strane Davaoca usluga, u pisanoj formi, označeni račun.

Član 13.

Ovaj ugovor stupa na snagu kad ga potpišu obje ugovorne strane, a zaključuje se na period od 36 (tridesetšest) mjeseci počevši od 15.02.2018 god.
Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorena strana.

Sastavni dio ovog Ugovora su :

- tenderska dokumentacija broj : 01-02-14-2214-2/17 od dana 25.12.2017 godine
- Odluka o usvojenoj ponudi broj : 01-02-14-266/18 od dana 24.01.2018 godine

NARUČILAC USLUGA:


.....
dipl.ing.geod. Mirza Emirhafizović

Broj : 01-02-14-2214-2-389
Sarajevo, 13-02. 2018. godine

DAVALAC USLUGA :

ADVOKAT
GALIBA HRVAČIĆ-KARČIĆ
Sarajevo, ul. Maršala Tita br.1
Tel: 011/2291851

.....
Advokat Galiba Hrvaić-Karčić

Broj : 15-02-01/R
Sarajevo, 10.02. 2018.godine

